

Allannguutissatut siunnersuut

uunga

Uunga siunnersuut: Pilersaarusionerq aamma nunaminertat atornerqartarnerat pillugu Inatsisartut peqqussutaat

Pingajussaanneerinissamut Naalackersuisunit saqqummiunneqartoq.

§ 1

1. § 32, imm. 3 imatut oqaasertalerneqassaaq:

"Isumaqatigiilluni aaqqiisoqarsinnaanngippat imm. 1 naapertorlugu taarsiissuteqarnissaq pinngitsaaliissummik taarsinertalimmik arsaarinnissuteqartarnermut ataatsimiititaliamit aalajangersarneqassaaq, tak. pigisanik aalaakkaasunik arsaarinnissuteqartarneq pillugu Inatsisartut inatsisaat."

2. § 38 imatut oqaasertalerneqassaaq:

"Pilersaarutininut aamma nunaminertanut naammagittaalliuuteqartarfimmik suliamut attuumassuteqanngitsumik, pingasunik ilaasortalimmik Naalackersuisut pilersitsissapput. Naalackersuisup pilersaarusioneremut aamma nunaminertat atornerqarnerannut akisussaasuusup inassuteqarneratigut siulittaasoq tassungalu sinniisissaq toqqarneqassapput. Siulittaasoq pilersaarusioneremut nunaminertallu atornerqarnerinut inatsisinik immikkut ilisimasaqartuussaaq, imaluunniit inatsisilerituutut soraarummeersimasuussalluni. Naammagittaalliuuteqartarfimmut ilaasortaq ataaseq taassumalu sinniisissaa Kalaallit Nunaanni inatsisartut inassuteqarnerisigut Naalackersuisunit toqqarneqartassaaq, aammalu naammagittaalliuuteqartarfimmut ilaasortaq ataaseq taassumalu sinniisissaa KANUKOKA-p inassuteqarneratigut Naalackersuisunit toqqarneqartassaaq. *Imm. 2.* Pilersaarutininut aamma nunaminertanut naammagittaalliuuteqartarfimmi ilaasortat ilaasortaanerminnut peqatigitillugu Naalackersuisunit ilaasortaassanngillat.

Imm. 3. Pilersaarutininut aamma nunaminertanut naammagittaalliuuteqartarfimmi piffissaq qinigaaffiusoq Inatsisartut piffissaq qinigaaffigisaat malittassavaa. Inatsisartunut nutaamik qinersinerup kingorna naammagittaalliuuteqartarfimmi ilaasortassanik nutaanik qinersinissap tungaanut, naammagittaalliuuteqartarfimmi ilaasortat atuuttassapput.

Imm. 4. Pilersaarutininut aamma nunaminertanut naammagittaalliuuteqartarfik suliamut ilisimasalinnik peqataatitaqarsinnaavoq.

Imm. 5. Pilersaarutitut aamma nunaminertanut naammagittaalliuuteqartarfiup atuunneranut Naalackersuisut sukumiineruusunik aalajangersaasinnaapput."

3. § 38 kingorna ilanngunneqassaaq:

"§ **38a.** Naammagittaalliuuteqartarfiup atortorissaarutit pisariaqartitai Naalackersuisunit atugassiissutigineqassapput, aammalu allattoqarfittut ikiorsiinerit pisariaqartinneqartut isumagissallugit.

Imm. 2. Naammagittaalliuuteqartarfiup sulinerani aningaasartuutissat, tassunga ilanngullugit suliamut atatillugu siulittaasup ilaasortallu akiliutigigallagaannut, kiisalu allaffissornermut il.il. aningaasartuutit Naalackersuisunit akilerneqartassapput. Pilersaarutitut aamma nunaminertanut naammagittaalliuuteqartarfimmu ilaasortat Inatsisartunut Naalackersuisunullu il.il. ilaasortat akissarsiaqartinneqarnerat il.il. pillugu Inatsisartut inatsisaanni maleruagassat malillugit akissarsiaqartinneqassapput, ullormusiaqartinneqassapput aammalu angalanermut aningaasartuutitut taarsiiffigineqartassallutik."

Allanguutissat siunnersuummi aalajangersakkanut ataasiakkaanut nassuiaatit

§ 1-imut

Nr. 1-imut

Aalajangersagaq iluarsineqarpoq, tassani Inatsisartut peqqussutaanni atuuttumi kukkusumik innersuussisoqarsimammat. Innersuussut eqqortoq tassaavoq pinngitsaaliissummik taarsiinertalimmik arsaarinnissuteqartarneq pillugu Inatsisartut inatsisaat nr. 25, 30. oktober 1992-imeersoq.

Nr. 2-mut

Inatsisartut Attaveqatigiinnermut Ineqarnermullu Ataatsimiititaliaata siunnersuutip aappassanneerpeqarnissaanut isumaliutissiissuteqarneranut atatillugu oqaatigineqarpoq, pilersaarutitut aamma nunaminertanut naammagittaalliuuteqartarfimmik pilersitsinissaq pillugu § 38-mi aalajangersakkap peqqussutissat siunnersuummi erseqqissarneqarnissaa kissaatigineqartoq.

Imm. 1-imut

Pilersaarutitut aamma nunaminertanut naammagittaalliuuteqartarfimmik pilersitsinermi innuttaasut naammagittaalliuutaasa aqqissuussaannermi immikkut aalajangiisinnaassuseqartumi, tamatuminngaannaq siunertaqarfiusumi suliarineqartarnissaasa qulakkeerneqarnissaa siunertarineqarpoq. Naammagittaalliuuteqartarfik Naalackersuisup pilersaarusiornermut nunaminertallu atorneqartarnerannut akisussaasuusup innersuussuteqarneratigut Naalackersuisunit

toqqarneqartumik siulittaasoqassaaq, ilaasortallu sinneri marluk aamma Naalakkersuisunit toqqarneqassapput, taakkuli Inatsisartut aamma KANUKOKA-p innersuussuteqarnerisigut toqqarneqassapput.

Imm. 2-mut

Naammagittaalliuuteqartarfimmi ilaasortat pingasuusut arlaannaalluunniit naammagittaalliuuteqartarfimmi ilaasortaanerminnut peqatigitillugu Naalakkersuisunut ilaasortaassanngillat. Pilersaarutitut aamma nunaminertanut naammagittaalliuuteqartarfimmi ilaasortaq pilersaarutitut aamma nunaminertanut naammagittaalliuuteqartarfimmi ilaasortassatut toqqarneqarnermi kingorna Naalakkersuisunut ilaasortanngussagaluarpat, taassuma sinniisissaa ilaasortanngussaaq. Taamatut pisoqassappat imm. 1 naapertorlugu Naalakkersuisut sinniisissamik nutaamik toqqaassapput.

Imm. 3-mut

Suliassaqarfinni allani pisarnertut naammagittaalliuuteqartarfimmi piffissap qinigaaffiusup Inatsisartut qinigaaffiat malissavaa.

Imm. 4-mut

Pilersaarutitut aamma nunaminertanut apeqqutitut tunngatillugu pilersaarutitut aamma nunaminertanut naammagittaalliuuteqartarfimmut kiortissatut suliamik ilisimasalik ataaseq amerlanerusulluunniit ataatsimiititaliamit peqataatinneqarsinnaapput. Naammagittaalliuuteqartarfimmut sulianik ilisimasalinnik aalajangersimasunik peqataatitaqartarnissaq naleqqutissaaq. Tamatuma saniatigut naammagittaalliuuteqartarfiup suliani ataasiakkaani sulianut ilisimasalinnik allanik aggersaanissartik toqqarsinnaavaat.

Imm. 5-imut

Aalajangersakkami Naalakkersuisut pilersaarutitut aamma nunaminertanut naammagittaalliuuteqartarfimmi sulinermut maleruagassanik sukumiinerusunik aalajangersaanissamut inatsisitigut tunngavissiorneqarput. Assersuutigalugu matumani pineqartut tassaasinnaapput aalajangiisartut ataatsimiittarnerisa akulikissusissaannut, suleriaasissamut, oqaluuserisassat aalajangersarneqarnissaannut, ataatsimiigiaqqusisarnernut, suleqataatinneqartunut akissarsiaqartitsinermut, nalinginnaasumik amerlanerussuteqartoqarneratigut aalajangiisinnaanermut il.il. maleruagassat. Naalakkersuisut naammagittaalliuuteqartarfimmut ilitersuisussaataanngillat. Naammagittaalliuuteqartarfimmi sulinerup ingerlanissaa naammagittaalliuuteqartarfiup allattoqarfittut kiffartuussisuusumit allaffissornikkut ikiorserneqarluni aalajangersartassavaa.

Nr. 3-mut

Aalajangersagaq nutaajuvoq.

Imm. 1-imut

Pilersaarutitut aamma nunaminertanut naammagittaalliuuteqartarfiup allattoqarfittut kiffartuunneqarnera Naalackersuisunit isumagineqassaaq. Tassani Naalackersuisoqarfiup, pilersaarusiornermut nunaminertallu atorneqarnerannut suliaasaqarfiup inissisimaffigisaata pilersaarusiornermut tunngavissatut najoqqutassanik pisariaqartinneqartunik ikiorsiisarnissaa siunnerfigineqarpoq, taakkunungalu pilersaarutit tunngavissat atuuttut ilaapput.

Imm. 2-mut

Pilersaarutitut aamma nunaminertanut naammagittaalliuuteqartarfiup sulineranut atatillugu aningaasartuutit Inatsisartunut Naalackersuisunullu il.il. ilaasortat akissarsiaqartinneqarnerat il.il. pillugu Inatsisartut inatsisaanni maleruagassat malillugit Nunap Karsianit akilerneqartassapput. Tamatumunnga aningaasartuutit Naalackersuisoqarfimmit, pilersaarusiornermut nunaminertallu atorneqarnerannut suliaasaqarfiup inissisimaffigisaanik akilerneqartarnissaat siunnerfigineqarpoq. Tassalu aningaasartuutit Avatangiisinut Aqutsisoqarfimmut aningaasaliissutitut killiliussat iluanni akilerneqartassapput ("Inatsisartut 2009-mut aningaasanut inatsisissaattut siunnersuut"-mi konto 75.01.01 "Avatangiisinut Aqutsisoqarfik, Allaffissorneq").